

**Referat " Christen, die Farbe bekennen in einer bunten Welt"** cun don Paolo Renner en lünesc ai 28 de ma dales 20:30 tl salf manifestaziuns a La Val.

**Pelegrinaje:** düc é inviá a tó pert al pelegrinaje al santuar de „**Santa Maria Lussari**“ sura Tarvisio (le plö alt Santuar de S. Maria d' Europa) en jöbia ai 21 de jügn. Le prisc (iade, cabinovia y marëna con boandes) é de 52.00 € por i scric ite tl KVV y 55.00 € por i atri. Le bus pëia ia da Pedraces dales 05.45. Organisationsiun: grups KVV dl Comun de Badia y prenotaziuns tol sö: Clement Iaco (0471-839772) o Alma 333 676 9105.

**Gita dla uniun dles ëles de Badia:** en mertesc, ai 29 de ma dales 07:00 Jun a San Romedio spo a Sanzeno ( chëles che ó pó jí da S. Romedio a Sanzeno a pe ca. ¾ d'ora) a marëna y dedô n pü sön le lech da Kaltern. Präibel se prenoté pro Roberta al nr 338 3852548 (domisdé).

**Jun a pe cun le KVV:** inviun düc ala "Roda dles viles d'La Plif" che fajun en mercui, ai 30 de ma. Piun ia da Pedraces dales 08:00 y präibel prenotesse pro Iaco al nr. 0471/839772 o 339 6257779.

**Le Cor „cantus iuvenis“ cun Andrea Schuen** vëgn ai 2 de jügn dales 20:00 a Badia y cianta y sona tla Ciasa Runcher.


**Conzert de concluiun dla Scora de musiga:** düc é inviá dër bel en mercui ai 6 de jügn dales 18:00 a Corvara tl salf dles manifestaziuns. Al sará da aldí melodies y toc musical portá dant dales scolares y dai scolars dla Scora de musiga.

**Le proiet "Jaba"** dá ai jogn la poscibilité tratan l'isté de daidé para te istituziuns publiches dla Val Badia. Por informaziuns y por se scrí ite pón cherdé sö le Sorvisc ai Jogn al nr. 0474/523070.

**Scora a Mühlbach:** die gleichgestellte Mittelschule MS „Maria Hueber“ im Herz-Jesu-Institut Mühlbach lädt am 09.06.2018 von 09:00-12:00 Uhr zum Tag der offenen Tür von Schule und Heim ein.



*La famiglia è lo specchio in cui Dio si guarda, e vede i due miracoli più belli che ha fatto: donare la vita e donare l'amore .* ( S. Giov.Paolo II )



# Plata dla Ploania Badia San Iaco - San Linert

Ploan: **Siur Iaco Wendelin Willeit**  
Calonia Badia: **0471/839571**  
E-Mail: **parrocchiabadia@libero.it**  
Radio dla Ploania: **91,10 Mhz**


UNITÉ PASTORALA



[www.unitepastorala.org](http://www.unitepastorala.org)

Ann „B“ 27.05. - 03.06.2018 Festa dla SS. Trinité n. 26

**Der Vater,**  
als unser Gegenüber.  
**Der Sohn,**  
als der, der mit uns geht.  
**Der Geist,**  
als der, der in uns wirkt und waltet.



## Vangele dla proscima Domënia - Festa d'Les Antles „B“

Mat. 28. 16-20

Le pröm de dla festa di Pans Insuc, te chël ch'an toló ia l'agnel da Pasca, á dit i discepui a Gejú: Olá desson pa t'arjigné ca le past da Pasca? Dailó ál ortié dui discepui danfora y ti á dit: Jide tla cité, dailó ves gnaral adincuntra n èl che porta n boché d'ega. Jidi do cina ch'al va te na ciasa; spo dijedi al patrun de ciasa: Le maester te damana: Olá é pa le salamënt olach'i po mangé cun mi discepui l'agnel da Pasca? Y le patrun ves mostrará n gran salamënt söalt tapezé fora cun plomac, che é bele arjigné ca por le past da festa. Dailó arjigne-de ca por nos! I discepui s'á metü sön tru y é rová tla cité. Ai á urté döt sciöch'al ti á dit y á arjigné ca le past da Pasca. Tratan past ál tut le pan y á dit dilan, l'á rumpi, ti al á sport y á dit: Toledé, chësc é mi corp. Spo ál tut le caresc, á dit dilan, ti l'á sport y düc á boiü d'infora. Y al ti á dit: Chësc é mi sanch, le sanch d'alianza, che vëgn spanü por tröc. Amen, i ves djiji: I ne boiará nia plü dl früt dla vigna cina en chël de, ch'i nen boiará danü tl règn de Dî. Do la ciantia de lalt ési jüs fora sön la Munt dl Ori.

# FUNZIUNS SACRES

## 27.05. Festa dla Ss. Trinité – Domènia dles Families

09.30 *Corona por le defunt Franz Irsara*

10.00 **Mëssa por la Comunità**

†to Franz Irsara - otavare

†to Siegfried Dapunt

†to Tone Irsara de Pescol

18.00 †ta Nane Nagler ( dal KVW )

†to Sepl Tavella

a d'intenziun

• *al cianta le cor Philia* •

## 28.05. Lünesc

19.30 *Devoziun de ma ( arjignada ca dal cor Kérygma )*

## 29.05. Mertesc - *Degüna mëssa*

## 30.05. Mercui - *Mëssa cun i scolars*

07.30 †to Alfred Rungg

†to Franz Irsara da Castalta

†ta Lois Pitscheider da Rainé

## 31.05. Jöbia - *Degüna mëssa*

## 01.06. Vëndres – **Prüm vëndres dl mëis**

07.30 †ta Paola Frena Pitscheider

†ta Maria Palumbo

por fam. Lois y Erna Valentin

## 02.06. Sabeda

07.30 ***Traslaziun de "Chëlbeldî da La Crusc" sô la Crusc***

09.30 Mëssa sô La Crusc

†to don Giancarlo Bertagnolli

por les animes dl purgatore

14.00 Mëssa da noza de Christof Costabiei y Luisina Bertoldi

16.00 Mëssa a Oies

## 03.06. Festa d'LES ANTLES – "CORPUS DOMINI"

09.00 **Mëssa solena ciantada y sonada**

*Prozesciun Eucaristica cun 2 Vangeli*

†ta Waltraud Wieser Pizzinini

15.00 Zelebrazion dl Bato

18.00 †tes Domitilla y Eugenia Pitscheider

†ti Maria, Otto y Notburga Alfreider

†ta Genovefa Lanz

# Dala VITA dla CÛRA

***Recordun che la mëssa grana en la Festa d'Les Antles y en la festa dl Cör de Gejú sará bele dales 09:00.***


**Traslaziun de Chëlbeldî da La Crusc:** en sabeda, ai 2 de jügn gnarál porté sô La Crusc la statua de Chëlbeldî. Piun ia da S. Linert dales 07:30 y dales 09:30 sarál la mëssa sô La Crusc.

**Crejima 2019:** inviun i **geniturs di mituns, che vá d'altonn te 1<sup>a</sup> y 2<sup>a</sup> mesana**, a na encuntada en lünesc ai 28 de ma dales 20:00 te Ciasa di Ministranc.

**Comuniun ai amará:** siur Degan jará a proveder en jöbia ai 31 de ma y en vëndres al 1. de jügn dales 09:30 inant.

**Le grup "Umes præia deboriada"** se abina en mercui ai 30 de ma dales 20:00 te dljia por n'ora de oraziun. Düc é inviá a tó pert.

**Legio Mariae:** inviun düc en jöbia, ai 31 de ma dales 14:00 te dljia por perié adüm.



En sabeda, ai 26.05.2018 se á uní tl Sacramënt dl MATRIMONE Elisabeth Ploner cun Michael Frenes. Dûta la Comunità ti aoda tröpa ligrëza y benedisciun de Dî sön so tru deboriada.

**Bibelrunde cun Siur Sepl Granruaz:** se incuntun en mertesc ai 29 de ma dales 20.00 te calonia de Al Plan (bas ite). Düc é der bel inviá.

**Grup "Ehe und Familie":** do la vijita pastorala á le Vësko dé le compit a dütes nostes cüres de mët sô n grup "Ehe und Familie" che se dá da fá particolarmënter por les families jones y sambëgn por i mituns. Le consëi de cüra præia che porsones se mëtes a desposiziun. Präibel lascësse adintëne tosc pro Siur Degan o pro la presidënta.

**Conzert:** stlujun jö le mëis de S. Maria cun n conzert dl cor "Jëuni Gherdëina" en jöbia, ai 31 de ma dales 19:30 te dljia.